



Krzno zeca je žućkasto smeđe boje, rep kratak, uši vrlo duge. Stražnje noge znatno su dulje i jače od prednjih. Duljina tijela je oko 65 cm, visina u hrptu 25 cm. Dužina repa je oko 8 cm. Dlaka je gusta i vunasta, po leđima sivo-hrđaste boje.

Zečevi koji žive u polju nešto su svjetlije boje od zečeva koji živi u šumama. Težina jedinki varira između 3,5 i 4 kg. Vrijeme parenja je od januara do avgusta. Ženka nosi 42-44 dana. Kod zečeva je prisutna pojava superfetacije, odnosno zečica može biti ponovno oplodena prije no što okoti mladunce koje već nosi. Koti od marta do septembra 3 do 4 legla godišnje. Legla broje 2 do 4 mlada. Mladi odmah progledaju i u slučaju opasnosti mogu napustiti leglo. Samostalni su nakon 21 dana. Polnu zrelost dostižu nakon 12 mjeseci. Zec je izraziti biljojed. Prehranjuje se uglavnom zeljastim biljkama i korom mladog drveća i voćaka. Dnevno pojede oko 1 kg hrane. Zečevi žive zasebno, a glavna aktivnost odvija se u sumrak. Populacija zečeva znatno je opala sa kultivacijom i prenamjenom prirodnih staništa u poljoprivredne površine. Prirodni neprijatelj su im lisice. Životni vijek jedinki je između 10 i 12 godina.